

AL-QUR'ĀN AL-KARĪM PUSAT KEBUDAYAAN DUNIA

Sejarah Pengarang-pengarang Tafsir

1) Ibn Jarīr al-Ṭabarī

Nama penuhnya: Abu Ja'far Muhammad Ibn Jarīr al-Ṭabarī

Seorang ahli *al-Tārikh* yang terkemuka, Raja ahli tafsir, seorang imam yang mempunyai mazhab sendiri. Banyak benar karangan-karangannya yang berharga. Di antaranya: kitab tafsirnya yang sangat terkenal, tempat kembali segala ulama tafsir.

Tafsirnya itu menyatakan keluasan ilmunya dan ketinggian penyelidikannya. Ia terpandang sebagai salah seorang imam *mujtahid* yang tidak bertaklid kepada orang lain. Bahkan pernah mazhabnya diikuti oleh sebahagian manusia.

Zahir di Tabaristan pada tahun 224 H (839 M.)

dan meninggal di Baghdad pada tahun 310 H (923 M.).

2) Abu Muslim al-Isfahānī:

Nama penuhnya: Abu Muslim Muḥammad Ibn Baḥr. Seorang orang besar negeri di Isfahan. Terhitung dari golongan pengarang-pengarang yang ulung. Sangat mahir dalam perkara tafsir dan dalam berbagai-bagai ilmu. Di antara kitab-kitabnya ialah "*Jāmi' al-Ta'wīl*" yang terdiri dari empat belas jilid. Tafsirnya ini sangat baik susunannya, sangat baik penyelidikannya, dan sangat elok huraiannya. Mereka yang telah mempelajari tafsir *al-Rāzī*, tentu telah dapat mengumpul sebahagian besar dari pendapatan Abū Muslim yang telah dipindahkan oleh *al-Rāzī* itu.

Zahir pada tahun 254 H, dan meninggal pada tahun

322 H.

3) Ibn Mundhir:

Nama penuhnya: Abu Bakar Muḥammad Ibn Ibrāhīm Ibn Mundhir al-Nīsābūri. Seseorang *mujtahid* yang menghafaz hadis dan terhitung seorang yang amat elok karangannya. Meninggal pada tahun 309 H. (921 M.), di Mekah.

4) Al-Zujāj:

Nama penuhnya: Abu Ishāq Ibrahim Ibn al-Sārī Ibn Sahl. Seorang ahli *nahu* dan *lughah*. Ia mempunyai beberapa buah karangannya yang berharga. Di antaranya: "*Ma'ānī al-Qur'an*", dan "*Khalqa al-Insān*".

Zahir di Baghdad pada tahun 241 H. (855 M.) dan meninggal pada tahun 311 H. (923 M.).

(5) Al-Wāḥidī:

Nama penuhnya: 'Alī Ibn Aḥmad Ibn Muḥammad Ibn 'Alī Ibn Mutāwīh terkenal dengan nama al-Wāḥidī. Seorang ahli tafsir dan kesusasteraan. Ia telah mengarang tiga buah tafsir, pertama: "*Al-Basīṭ*", kedua: "*Al-Wasīṭ*", ketiga: "*Al-Wajīz*", meninggal di Nisabur pada tahun 468 H. (1076 M.).

(6) Abu Ḥayyān:

Nama penuhnya: Muḥammad Ibn Yūsuf Ibn 'Alī Ibn Ḥayyān al-Gharnāṭī al-Andālusī al-Nahwī. Seorang ulama besar dalam perkara tafsir, hadis, sejarah dan bahasa. Banyak benar karangannya. Di antaranya: "*al-Bahri al-Muḥīṭ*".

Zahir di bandar Gharnāṭah (Spain), Kemudian berpindah

ke Mesir dan berkediaman di sana sehingga meninggal dunia.

Zahir pada tahun 654 H (1256 M.) dan meninggal pada tahun 745 H. (1344 M).

(7) **Al-Tha‘ālibī:**

Nama penuhnya: Abu Mansūr ‘Abd al-Malik Ibn Muḥammad Ibn Ismā‘īl al-Tha‘ālibī. Seorang ahli bahasa dan kesusasteraan. Di antara buah kalamnya ialah “*Fiqah Al-Lughah*” dan “*Al-Jiwāhir Al-Hasān*”.

Zahir pada tahun 350 H. (961 R.), meninggal pada tahun 429 H. 1037 M.).

8) **Al-Qurṭubī:**

Nama penuhnya: ‘Abū ‘Abdullah Muḥammad Ibn Abī Bakr Ibn Faraj Al-Qurṭubī. Seorang pengarang tafsir yang terkenal, yang banyak diambil perkataannya oleh ahli-ahli tafsir yang di belakangnya. Di antara yang mengambil perkataan ialah: Abū Bakar Yahya Ibn Sa‘dūn Ibn Tamām Ibn Muḥammad al-Azdī al-Qurṭubī, seorang yang amat ‘alim dalam perkara *Qirāah* (bacaan Quran), Hadis dan bahasa Arab.

Zahir di bandar Qurtubah (Spain) pada tahun 567 H. (1172 M.).

9) **Al-Fakhr al-Rāzī:**

Nama penuhnya: Abu ‘Abdullah Muḥammad Ibn ‘Umar Ibn al-Husīn Fakhr al-Dīn al-Rāzī. Seorang imam, ahli tafsir, pujangga agama yang terbilang, amat dalam pengetahuannya dalam perkara “ilmu umum” dan “sharī‘ah” ia berbangsa Quraisy. Asalnya dari Tabaristan Zahir di “al-Rayy”. Kerana itu dinamai “al-Rāzī”. Ia banyak melawat ke beberapa buah negeri. Karangannya amat banyak. Di antaranya: sebuah tafsir, delapan jilid tebalnya. Pada masa hidupnya, kitab-kitabnya telah menjadi kajian umum.

Zahir pada tahun 544 H (1150 M.) dan meninggal

di al-Hirah (?) pada tahun 606 H (1210 M.)

10) **Al-Zamakhsharī**

Nama penuhnya: Mahmud Ibn ‘Umar Ibn Muḥammad Al-Khawārizmī Al-Zamakhsharī. Seorang ahli agama, tafsir, bahasa dan kesusasteraan yang terkemuka, istimewa dalam perkara kesusasteraan dan bahasa Arab.

Di zahirkan di Zamakhshar. Sesudah ia besar pergi ke Mekah dan berkediaman di sana beberapa lama. Kerana itu ia digelar dengan *Jār Allāh*. Banyak kitab-kitab agama yang dikarang olehnya. Di antaranya “*al-Kashāf*”, sebuah tafsir yang sangat mustahak dipelajari oleh mereka yang hendak mengetahui keindahan susunan bahasa *al-Qur’ān*, Dalam soal kepercayaan, ia menganut faham *mu‘tazilah*. Ia sangat keras membantah faham ahli tasawuf.

Zahir pada tahun 467 H. (1075 M.) dan meninggal pada tahun 533 H. (1143 M.).

(11) **Al-Ṭībī:**

Nama penuhnya: Al-Ḥusīn Ibn Muḥammad Ibn ‘Abdullah Al-Ṭībī. Seorang ulama tafsir, hadis dan bayān yang sangat disegani. Ia mempunyai kekayaan yang sangat besar, yang diperoleh dari pusaka dan perniagaan. Semua hartanya dipergunakan unuk berbagai-bagai pekerjaan kebajikan sehingga akhir umurnya ia menjadi seorang yang miskin. Ia sangat terkenal dalam soal mengeluarkan butir-butir hikmah dari *al-Qur’ān* dan *al-Sunnah*. Di antara kitab-kitabnya ialah: “*Sharah al-Kashāf*” dalam perkara tafsir, dan “*Sharah Mashkāt al-Mashkāh*” dalam perkara Hadis. Meninggal pada tahun 743 H. (1342 M.)

(12) **Al-‘Awfi:**

Nama penuhnya: Abu al-Ḥasan ‘Alī Ibn Ibrāhīm Sa‘īd Al-‘Awfi. Seorang ahli nahu, masuk golongan

ahli bahasa dan tafsir. Di antara kitab-kitabnya ialah “*al-Burhān fī ‘Ulum al-Qur’ān*”. Meninggal pada tahun 430 H, (1039 M.).

(13) Ibn ‘Afiyyah:

Nama penuhnya: Abu Muhammad ‘Abdul Al-Haq Ghālib Ibn ‘Abdul Al-Rahīm Al-Ghaznāfī. Seorang ahli tafsir yang mahir dan ahli fiqah yang terkenal lagi sangat ‘arif dalam hukum dan Hadis. Di antara kitab-kitabnya ialah: tafsir “*Al-Mahrur al-Wajīz*”.

Zahir pada tahun 481 H (1088 M.) dan meninggal pada tahun 542 H (1148 M.).

14) Al-Marsī:

Nama penuhnya: Muḥammad Ibn ‘Abdullah Ibn Muḥammad Ibn Abī al-Faḍīl. Seorang ahli kesusasteraan, tafsir dan Hadis. Asalnya dari Marsih. Ia banyak benar melawat ke tanah Andalus dan beberapa negeri di Semenanjung Arab. Di antara kitab-kitabnya ialah “*al-Tafsīr Al-Kabīr*”, “*al-Tafsīr al-‘Usṭā*” dan “*al-Tafsīr Al-Ṣaghīr*”.

Zahir pada tahun 570 H. (1174 M.) dan meninggal pada tahun 655 H (1257 M.).

15) Ibn al-Jawzī:

Nama penuhnya: Abu Faraj ‘Abdul Raḥman Ibn ‘Alī al-Jawzī. Seorang ‘ulama’ ahli Hadis dan ahli *al-Tārīkh*. Banyak sekali buah karangannya. Lebih dari 300 buah.

Zahir pada tahun 508 H. (1114 M.) dan meninggal pada tahun 597 (1201 M.)

16) Ibn ‘Aqīl;

Nama penuhnya: Najm al-Dīn Abū al-Wafā’ ‘Alī Ibn

‘Aqīl al-Ba’dādī. Salah seorang ulama Iraq, ketua ‘ulama’ Ḥanbalī.

Zahir pada tahun 432 H. (1040 M.) dan meninggal pada tahun 515 H. (1221 M.)

17) Al-Māwardī:

Nama penuhnya: Abu al-Ḥasan ‘Alī Ibn Muhammad Ibn Ḥabīb. Seorang ulama besar yang banyak karangannya. Dalam zaman Khalifah al-Qāim bī Amr Allāh, ia diangkat menjadi ketua Qādī. Ia dibangsakan kepada menjual air mawar. Dari itu ia digelar dengan “*Al-Māwardī*”.

Zahir pada tahun 364 H. (974 M.) dan meninggal pada tahun 456 H. (1058 M.) di Baghdad.

18) Al-Bayḍāwī:

Nama penuhnya: Nāṣir Ibn Nāṣir al-Dīn Abu Sa’īd ‘Abdullah Ibn ‘Umar. Seorang qadi, ahli tafsir yang luas pengetahuannya. Sebahagian dari karangannya ialah “*Anwār al-Tanzīr*” yang terkenal dengan tafsir Al-Bayḍāwī.

Meninggal pada tahun 685 H. (1286 M.).

19) Al-Jassās:

Nama penuhnya: Abu Bakar Ahmad ibn ‘Alī Al-Jassās. Salah seorang ‘ulama’ mazhab Ḥanafī. Ia berasal dari “al-Rayy”. Sebahagian dari karangannya, ialah “*Aḥkām al-Qur’ān*” dan “*Uṣūl al-Fiqh*”. Ia berkediaman di Baghdad.

Zahir pada tahun 305 H (917 M.) dan meninggal di Baghdad pada tahun 370 H. (980M.).

20) Al-Sayyīd Muhammad Rashīd Riḍā:

Nama penuhnya: Al-Sayyīd Muhammad Rashīd Riḍā, seorang mujtahid dunia Islam kurun kedua puluh. Seorang *lā’tan*

sunnah, yang sukar dicari saingannya. Yang mempusakai ilmu al-Ustādh al-Imām al-Sheikh Muhammad ‘Abduh.

Zahir di desa al-Qalmūn, sebuah kampung di Lubnan.

Pada tahun 1315 H. ia berpindah ke Mesir untuk menemui Shaykh Muhammad ‘Abduh. Pada tahun itu juga ia menerbitkan majalah “*al-Manār*”, sebuah majalah yang telah menjadi penyuluh ‘ulama’ Muslimīn di benua Timur, terutama di Indonesia.

Al-Sayyid Riḍā zahir di Qalmūn pada bulan *Jamādī al-Ūlā* tahun 1282 H (1865 M.). dan meninggal pada bulan *Jamādī al-Ūlā* tahun 1354 H (1935 M) di Mesir.

21) Ibn al-‘Arabī:

Nama penuhnya: Muḥammad Ibn ‘Abdullah ibn Muḥammad Wamaā’firī al-Ashbīlī al-Mālikī. Seorang Qadi masuk dalam kalangan ulama penghafaz Hadis dan mencapai darjat ijthad dalam ilmu agama. Banyak kitab yang berkenaan dengan Hadis, Fiqh, Uṣūl, Tafsir, kesusasteraan dan *Tarīkh* yang ia karangkan. Di antara kitab-kitabnya ialah “*Sharah al-Tirmidhī*” dalam bahagian hadis, “*Aḥkām al-Qur’ān*” dan “*Qānun al-Ta’wīl*” dalam bahagian Tafsir.

Zahir pada tahun 468 H (1076 M.) dan meninggal pada tahun 543 H (1148 M).

22) Al-Suyūṭī:

Nama penuhnya: Jalāl al-Dīn ‘Abd al-Raḥman Ibn Abī Bakar Ibn Muḥammad al-Suyūṭī. Seorang Imam yang kenamaan, ahli penyelidikan yang ternama. Seorang faqih yang terkemuka, terpancang pula sebagai pujangga *Tarīkh* dan ahli pula dalam bahasa Arab. Karangan-karangannya lebih daripada 500 buah, ia besar di bandar Qaherah dalam keadaan yatim, (ayahnya meninggal ketika ia berumur 5 tahun).

Al-Suyūṭī zahir pada tahun 849 H. (1445 M.), dan meninggal pada tahun 911 H (1505 M.) Apakala telah sampai umurnya 40 tahun ia mengasingkan diri dari manusia ke sebuah pulau kecil di tengah-tengah sungai Nil untuk mengarang semata-mata. Banyak orang kaya-kaya dan Raja-Raja mengirinkan hadiah kepadanya. Semua hadiah-hadiah itu ditolak olehnya.

23) Al-Maḥallī:

Nama penuhnya: Jalāl al-Dīn Ibn Ahmad Ibn Muḥammad Ibn Ibrahim Al-Maḥallī. Seorang ahli Uṣūl dan Tafsir. Di antara kitab-kitabnya ialah: bahagian pertama dari kitab Tafsir “*Al-Jalālayn*” yang ditempatkan oleh al-Suyūṭī, *Sharah al-Manhāj*, dan *Sharah Jama’ al-Jawāmi* dalam Uṣūl Fiqh.

Zahir pada tahun 781 H (1389 M.) dan meninggal pada tahun 781 H (1389 M.) dan meninggal pada tahun 864 H. (1459 M.).

24) Salīm al-Rāzī:

Nama penuhnya: Abu al-Fatīh, Salīm Ibn Ayyūb Ibn Salīm al-Rāzī. Seorang ahli fiqh dari “al-Rayy” (Parsi), dan berkediaman di salah sebuah bandar Suria (Syria), ada beberapa buah karangannya, di antaranya: “*Gharīb al-Hadīth*”

Zahir pada tahun 365 H. (970 M.) dan meninggal pada tahun 477 H. (1055 M.).

25) Abu Al-Sa’ūd:

Nama penuhnya: Abu Al-Sa’ūd Ibn Muhyi al-Dīn al-‘Amādī. Seorang ulama fiqh dan tafsir. Berkali-kali ia memegang jawatan Qadi, kemudiannya menjadi Mufti di Istanbul. Di antara kitab-kitabnya ialah Tafsir

(sambungan ke muka 42)

(Sejarah perkembangan Tafsir)

(Sambungan dari muka 16)

“Irshād al-‘Aql al-Salīm”.

Zahir pada tahun 896 H. (1490 M.), dan meninggal pada tahun 982 H. (1574 M.).

26). Ibn al-Munīr:

Nama penuhnya: Ahmad Ibn Muhammad ibn Mansūr.

Salah seorang dari ulama dan ahli kebudayaan di Iskandariah yang terkemuka. Dua kali ia menjadi qadi dan khatib di Iskandariah. Banyak karangannya, di antaranya: kitab tafsirnya.

Zahir pada tahun 620 H (1223 M.) dan meninggal pada tahun 683 H (1284 M).

27) Al-Baghawī:

Nama penuhnya: Al-Ḥusayn Ibn Muḥammad Ibn Mas’ud al-Farra’ al-Baghawī. Seorang ulama fiqh, hadis dan tafsir dari penduduk negeri Khurasan. Oleh kerana terlalu terkemuka dalam perkara hadis, ia digelarkan:

“*Muhyi al-Sunnah*”. Di antara kitab-kitabnya: “*al-Tahdhīb*”(fiqh),

“*Sharah al-Sunnah*” (Hadis) dan “*Mu’allim al-Tanzīl*,”

(tafsir).

Zahir pada tahun 456 H. (1044), meninggal 510 H. (1117 M).

28) Ibn Kathīr:

Nama penuhnya: ‘Imādu al-Din, Abu al-Fada’, Isma’il Ibn

‘Umar Ibn Kathīr al-Baṣrawī. Seorang penghafaz hadis, sejarah dan terkemuka dalam fiqh. Di antara kitab-kitabnya: “*al-Bidayah wa al-Nihayah*”(tarikh). *Tarikhnya* menerangkan

segala rupa kejadian sehingga tahun 738 H, dan

sebuah tafsir *al-Qur’ān*. Banyak pula kitab-kitabnya dalam ilmu hadis.

Zahir pada taun 701 H, (1302 M.), meninggal 774 H. (1373 M).

(29) Al-Nasafī:

Nama penuhnya: Hafīz al-Din ‘Abdullah Ibn Aḥmad Ibn

Maḥmūd al-Nasafī. Seorang ulama fiqh dalam mazhab Hanafi dan terkemuka pula dalam perkara tafsir. Banyak karangannya di antaranya: tafsir “*al-Madārik*”, “*Kanzu al-Daqā’iq*” (uṣūl), dan “*al-Wafī*” (fiqh).

Zahir dalam sebuah kampung di Isfahan (Parsi), meninggal pada 710 H. (1310 M.)

30) Al-Khatīb al-Sharbīnī:

Nama penuhnya: Shams al-Dīn Ibn Aḥmad al-Sharbīnī.

Seorang ahli fiqh dalam mazhab Shafie dan ahli tafsir. Di antara kitab-kitabnya: tafsir “*al-Sirāj al-Munīr*” dan “*al-Aqnā’*” (fiqh).

Meninggal pada tahun 977 H, (1570 M).

(31) Al-Jamal:

Nama penuhnya: Sulaiman Ibn ‘Umar Ibn Mansūr

al-‘Ajilī, al-Zahrawī. Terkenal dengan nama “al-Jamal”.

Seorang ‘ulama’ Azhar. Di antara kitab-kitabnya: ialah:

“*al-Futūḥāt al-Ilahiyah*” mengenai tafsir “*al-Jalālayn*”

dan sebuah ulasan “*Sharah al-Minhāj*”

Meninggal pada tahun 1204 H. 91709 M).

(dari buah kalam Tuan Muḥammad Ḥasbī al-Ṣidīqī).